0.0.1 akkhanasuttam

0. sāvatthinidānam

- 1. khaṇakicco loko khaṇakicco lokoti bhikkhave, assutavā puthujjano bhāsati no ca kho so jānāti khaṇaṃ vā akkhaṇaṃ vā. aṭṭhime bhikkhave, akkhaṇā asamayā brahmacariyavāsāya. katame aṭṭha.
- 2. idha bhikkhave, tathāgato ca loke uppanno hoti araham sammā sambuddho vijjācaranasampanno sugato lokavidū anuttaro purisadammasārathī satthā devamanussānam buddho bhagavā. dhammo ca desīyati opasamiko parinibbāyiko sambodhagāmī sugatappavedito, ayanca puggalo nirayam upapanno hoti. ayam bhikkhave, paṭhamo akkhano asamayo brahmacariyavāsāya.
- 3. puna ca param bhikkhave, tathāgato ca loke uppanno hoti araham sammā sambuddho vijjācaranasampanno sugato lokavidū anuttaro purisadammasārathī satthā devamanussānam buddho bhagavā. dhammo ca desīyati opasamiko parinibbāyiko sambodhagāmī sugatappavedito, ayanca puggalo tiracchānayonim upapanno hoti. ayam bhikkhave, dutiyo akkhano asamayo brahmacariyavāsāya.

bjt page 130

- 4. puna ca paraṃ bhikkhave, tathāgato ca loke uppanno hoti arahaṃ sammā sambuddho vijjācaraṇasampanno sugato lokavidū anuttaro purisadammasārathī satthā devamanussānaṃ buddho bhagavā. dhammo ca desīyati opasamiko parinibbāyiko sambodhagāmī sugatappavedito, ayañca puggalo pettivisayaṃ upapanno hoti. ayaṃ bhikkhave, tatiyo akkhaṇo asamayo brahmacariyavāsāya.
- 5. puna ca paraṃ bhikkhave, tathāgato ca loke uppanno hoti arahaṃ sammā sambuddho vijjācaraṇasampanno sugato lokavidū anuttaro purisadammasārathī satthā devamanussānaṃ buddho bhagavā. dhammo ca desīyati opasamiko parinibbāyiko sambodhagāmī sugatappavedito, ayañca puggalo aññataraṃ dīghāyukaṃ devanikāyaṃ upapanno hoti. ayaṃ bhikkhave catuttho akkhaṇo asamayo brahmacariyavāsāya.
- 6. puna ca param bhikkhave, tathāgato ca loke uppanno hoti araham sammā sambuddho vijjācaramasampanno sugato lokavidū anuttaro purisadammasārathī satthā devamanussānam buddho bhagavā. dhammo ca desīyati opasamiko parinibbāyiko sambodhagāmī sugatappavedito, ayanca puggalo paccantimesu janapadesu paccājāto hoti avinnātāresu milakkhesu. yattha natthi gati bhikkhūnam bhikkhunīnam upāsakānam upāsikānam. ayam bhikkhave pancamo akkhano asamayo brahmacariyavāsāya.

- 7. puna ca paraṃ bhikkhave, tathāgato ca loke uppanno hoti arahaṃ sammā sambuddho vijjācaraṇasampanno sugato lokavidū anuttaro purisadammasārathī satthā devamanussānaṃ buddho bhagavā. dhammo ca desīyati opasamiko parinibbāyiko sambodhagāmī sugatappavedito, ayañca puggalo majjhimesu janapadesu paccājāto hoti micchādiṭṭhiko viparītadassano natthi dinnaṃ natthi yiṭṭhaṃ natthi hutaṃ natthi sukaṭadukkaṭānaṃ kammānaṃ phalaṃ vipāko, natthi ayaṃ loko natthi paro loko natthi mātā natthi pitā natthi sattā opapātikā natthi loke samaṇabrāhmaṇā sammaggatā sammāpaṭipannā ye imañca lokaṃ parañca lokaṃ sayaṃ abhiññā sacchikatvā pavedentīti. ayaṃ bhikkhave chaṭṭho akkhaṇo asamayo brahmacariyavāsāya.
- 8. puna ca param bhikkhave, tathāgato ca loke uppanno hoti araham sammā sambuddho vijjācaramasampanno sugato lokavidū anuttaro purisadammasārathī satthā devamanussānam buddho bhagavā. dhammo ca desīyati opasamiko parinibbāyiko sambodhagāmī sugatappavedito, ayanca puggalo majjhimesu janapadesu paccājāto hoti so ca hoti duppanno jaļo elamūgo. na paṭibalo subhāsita dubbhāsitassa atthamannātum. ayam bhikkhave sattamo akkhano asamayo brahmacariyavāsāya.

bjt page 132

bjt page 134

- 9. puna ca param bhikkhave, tathāgato ca loke uppanno hoti araham sammā sambuddho vijjācaraṇasampanno sugato lokavidū anuttaro purisadammasārathī satthā devamanussānam buddho bhagavā. dhammo ca na desīyati opasamiko parinibbāyiko sambodhagāmī sugatappavedito, ayañca puggalo majjhimesu janapadesu paccājāto hoti so ca hoti paññavā ajaļo anelamūgo paṭibalo subhāsita dubbhāsitassa atthamaññātum. ayam bhikkhave, aṭṭhamo akkhaṇo asamayo brahmacariyavāsāya. ime kho bhikkhave, aṭṭha akkhaṇā asamayā brahmacariyavāsāya.
- 10. ekova bhikkhave, khaṇo ca samayo ca brahmacariyavāsāya. katamo eko: idha bhikkhave, tathāgato ca loke uppanno hoti, arahaṃ sammāsambuddho vijjācaraṇasampanno sugato lokavidū anuttaro purisadammasārathī satthā devamanussānaṃ buddho bhagavā. dhammo ca desīyati opasamiko parinibbāyiko sambodhagāmī sugatappavedito. ayañca puggalo majjhimesu janapadesu paccājāto hoti. so ca hoti paññavā ajaļo anelamūgo paṭibalo subhāsita dubbhāsitassa atthamaññātuṃ. ayaṃ bhikkhave, ekova khaṇo ca samayo ca brahmacariyavāsāyāti.

manussalābham laddhāna, saddhamme suppavedite; ye khaṇam nādhigacchanti, atināmenti te khaṇam. bahū hi akkhaṇā vuttā, maggassa antarāyikā; kadāci karahaci loke, uppajjanti tathāgatā.

tassidam sammūkhībhūtam, yam lokasmim sudullabham; manussapaṭilābho ca, saddhammassa ca desanā; alam vāyamitum tattha, attakāmena jantunā.

katham vijaññā saddhammam, khano ve mā upaccagā; khanātītā hi socanti, nirayamhi samappitā.

idha ceva nam virādheti, saddhammassa niyāmatam; vāṇijova atītattho, cirattam anutapessati.

avijjānivuto poso, saddhammam aparādhiko; jātimaraṇasaṃsāraṃ, ciraṃ paccanubhossati.

ye ca laddhā manussattam, saddhamme suppavedite; akaṃsu tattha vacanam, karissanti karonti vā.

khaṇaṃ paccaviduṃ loke, brahmacariyaṃ anuttaraṃ; ye maggaṃ paṭipajjiṃsu, tathāgatappaveditaṃ.

ye samvarā cakkhumatā, desitādiccabandhunā; tesu gutto sadā sato, vihare anavassuto.

sabbe anusaye chetvā, māradheyya sarānuge; te ve pāragatā loke, ye pattā āsavakkhayanti.